

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

LXX.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

A. 1564.

PARS TERTIA.

187

dixit: hoc ei minime denegandum esse puto. Sed hæc tecum habetõ. Bene vale. Datum Tubingæ, festinantissime, XXI. Martii anno LXV.

T.

Grempius.

Inscriptio:

Clarissimo viro, D. Joanni Marbachio, Sacra Theologia Doctõri & Evangelium Argentina docenti. D. & Amico suo observando.



LXX.

Salutem per CHRISTUM JESUM. Plurimum te, Reverendiss. Domine Doctõr, per DEUM oro, ne mihi in malam partem interpreteris, quod nunc quidem de causa satis ardua ad te scribere sim ausus. Perlatus est ad nos rumor, cui tamen omnino fidem habere nondum possum, Illustriss. principem Wirtembergensem, (quidam Wolffgangum Palatinum nominarunt) ad conditionem certam vocasse Clarissimum virum, D. Doctorem Heshusium, vel saltem vocare voluisse: sed tua & aliorum auctoritate præstantium virorum dissuasionem vocationem hanc impeditam, quod sane de tuâ ego dignitate haud credam, nisi forsitan Magdeburgensium scriptis, suum antea in Germania inauditum erga DEI ministros & detestandum facinus secutis, permotus sis credere, se rem ita, ut quidem illi non satis candide narrant, habere. Volui igitur ex dilectione clam tibi subindicare, Magdeburgensem Senatam nunquam neque coram DEO, neque coram Ecclesia, hoc suum factum, quod indies peccatis cumulant, excusare aut defendere posse. Excommunicatio illa, quam ita Magdeburgenses exaggerant, nihil ad Heshusium: & quamvis in Regulam & Exemplum trahi non possit, eam tamen ego improbare nequeo. Necessitas etenim postulavit, omnibus silentibus & remotis ab officio illis, quibus res serio curæ erat, ut indicaretur Senatui & falsis fratribus, quam Dei indignationem & poenam incurrissent; præsertim cum ad hunc usque diem peccatum negare non possint, & pro dolor quotidie augeant: quod subinde nobis magna Ecclesiæ istius pars & multi pii gemitibus conqueruntur. Si igitur alicubi, mi Doctõr, juvare & promovere D. Heshusium poteris, ne quæso te adversariorum calumnias deterrere sinas. Novit Sathanas, quid sibi Vir tantus nocere possit, ideo ubique illi se opponit. Parce amabo libertati, & apud alios quoque innocentiam hujus viri tuere. Vale 1565. 26. Martii.

T.

Cyriacus Spangenbergius.
LXXI.

A a 2